

SAN MARTIN Y LUNGIARÜ

Por la cronica Sas dla Crusc 2018 vëgnel bel perié les uniuns, i geniturs che á albü mituns, pers che s'á maridé y düc chi che ó publiché evënc, manifesta-ziuns o d'ater, da mené tesç y fotos cina ai 10 de jená a karinlara@tiscali.it por Lungiarü y a silvia.prousch@yahoo.de por San Martin. Dilan!

SAN MARTIN

Por l'aziun di Trëi Resc a San Martin vëgnel chirí valgügn da acompagné cun l'auto i dui grups di Trei Resc che vá da ciasa a ciasa ai 3 y ai 4 de jená. Chi che se mët a desposiziun é bel peria da telefoné a Sara: 334 15 41 471.

I orun se recordé cun reconescënza dla defunta Ida Deiaco, cöga de colonia de siur Angel Morlang, por le sorvisc ch'ara á fat te colonia y por l'avëi socodí ti agn de ponsiun. Por cotan d'agn á mëda Ida ince romené sò y informí sò la dljia. Sc'al n'ê datrai degügn che dijô dant dales ores d'oraziun o dales coronas êra dagnora arjignada da salté ite. Ince ales cianties dla comunité ti dêra forza cun súa bela usc. Idí ti al paies!

LUNGIARÜ

La Uniun di Èi da Lungiarü inviëia incö, domënia, ai 15/12, al Rorate y do mëssa al referat cun siur Sepl Granruaz y a na picia festa d'Advënt.

En vëndres, ai 20 de dezëmbër, tignunse a Lungiarü le Rorate di jogn. Do le Rorate è düc, jogn y jones, bel invia pro la " Stüa da Nadé" a tó val' de cialt.

La Scora de Musiga tëgn le "concert da Nadé" en vëndres, ai 20/12, dales 18.00 tla dljia da San Martin. Düc é dër bel invia.

Conzert d'Advënt incö domënia, ai 15 de dezëmbër, dales 17.00, tla dljia de Badia cun: Cor Kerygma, Terzet Sintonia cun Hubert Adang y cuintet Herum.

L'ANN DE DLJIA

Vire y festejé l'Ann de Dljia ó dí: vire l'ann en contat cun Chël Bel Dî y en contat cun Gejú Crist, tres chël che Idí s'á dé da conësce ala jënt: Tigní vare cun súa vita, aldí sűes parores ch'i liun domënia por domënia tles letöres y contemplé sűes opres.

L'Ann de Dljia nes dá plü contentëza, plü sanité, plü pesc y plü richëza, deach'al nes deura ala salvëza che vëgn da Chël Bel Dî.

Tl Ann de Dljia é Idí che dá dant le tact y nos podun trá le fle cun ël.

Tl Ann de Dljia festejunse vigni ann danü i misters de nosta fede y l'opra de salvëza, nia sciöche val' de passé, mo sciöche val' de presënt, deache Chël Bel Dî ó vire demeztrú cun nos. Al nes scinca so tëmp.

Insciö sunse invia ince nos da se tó le tëmp por ël: da tigní Nadé canch'al alda y nia d'Advënt, da tigní ince le tëmp de Carsëma sciöche tëmp de converjiun y da ne destrá nia Carlascé cina Pasca. Ince le tëmp cun demanco avenimënc danter les festes orunse soporté, deache ince chësc tëmp é n tëmp implí da Chël Bel Dî.

I tëmps dl Ann de Dljia é tëmps scincá da Idí, al é tëmps che ël nes scinca por nosc bëgn. So tëmp nes fej ric, y savëi da aspeté ince.



www.unitepastorala.org

Plata dles Ploanies San Martin y Lungiarü

siur ploan Klaus Sottsas 344 15 54 055 - klsottsas@yahoo.de
siur curat Heinrich Perathoner 339 6574213 (colonia S.M. 0474 453003)
redaziun: anton.gasser@rolmail.net - 348 27 44 517 / 0474 523 194



15.12 – 22.12.19 nr. 3


ultimo termo por comunicaziuns: jöbia dales 20.00
radio: 90,40 / 93,70

TERZA DOMËNIA D'ADVËNT - A

Vangele do Matí 11,2-11

Te chël tëmp â Jan aldi te porjun dles opres de Crist. Sön chëra âl ortié sű discepui da d'ël y ti à dit de le damanè: Este tó chël che dess gnì, o messunse aspeté n ater? Gejú ti à respognü:

Jide y cuntedi a Jan cí ch'i aldis y odëis: I verc vëiga indò, i paralisa va, i levrusc vëgn nêc, i suré alda; i moré ressorësc, y ai püri ti vëgnel incundé le vagnele. Beât chël che ne se scandalisëia nia de mè.



Tröc de gragn credënc y de gran credëntes á albü te súa vita momënc olach'ai dubitâ y se sintí malsigüsc, sciöche p.ej.: Mosé, Pire, Maria y ince Jan Batista. Chësc n'ê nia de mal. Forsc n'ê chi, che ne dubitëia nia, mai jüs dër a funz. Da Jan Batista, le gran pordicadú tl desert, che mët man da dubité te porjun, podunse imparé co ch'i dessun la tó canch'i tomun tles ciafes dl dübe y dla malsegurëza.

Por pröm: Jan Batista ne vá nia da jënt a s'la baudié coche Chël Bel Dî pó lascé sozede val' de te, nou, al vá da Gejú instës cun súa domanda: "Este tó chël...?" Y deach'al é saré ia y ne sciafia nia da jí instës, ortiëiel sű discepui a damané. Y al ne ciafa nia na resposta tlera: Scé o no, mo na resposta che ti dá da ponsé.

Por secundo: I discepui vëgn da Jan a ti cunté ci che Gejú ti á dit y ci ch'ai á odü y sintí. Ci che la Sacra Scritöra á incundé danfora devënta vëi te Gejú. Y sc'i ponsun do a döt ci che Idí nes á bele fat de bëgn te nosta vita, spo messunse dé pro: Chësc é sté Chël Bel Dî che á metü a jí insciö, chiló é sté la man de Dî che á operé. - Y nosta fede se renforzará.

Y por terzo: Jan Batista mëss te porjun tó danü súa dezijiun por Gejú. La forza y l'assiguraziun ciafel da Gejú instës: "Beat chël che ne se scandalisëia nia de me."

EDEMA LITURGICA	SAN MARTIN	LUNGIARÜ	Co dessel pa gñi sò ligrèza?  Le vers dl'entrada dla Terza Domènia d'Advënt ó ti dé a chësc dé n carater de ligrèza: <i>Ralegrésse dagnora tl Signur!</i> <i>Ciamó n iade ves diji: Ralegrésse!</i> <i>Deache le Signur é daimpró.</i> Porchël á chësta domènia bele dadî incá l'inom "<i>Gaudete</i>". San Paul savô dessigü che la ligrèza ne se lascia nia comané decá. Mo al sintî ch'an pó "impó" s'alegré sc'al é na gauja da s'alegré. Jan Batista, che â incundé l'avënt dl Messia y che ê gnü metü te porjun, dubitâ y n'á plü degöna vöia da s'alegré. Ince te nos stëntel gonot da gñi sò ligrèza. Mo i ciarüs se desfanta sc'al é zacai che nes ó bun y nes vëgn adincuntra. Chësta porsona é Gejú che ó nes gñi adincuntra y tó cuartier pro nos. Crëie ó dí, savëi che Idî nes o bun y chësc tleca. I n'un nia bria da se taché al passé y ciaré desfidënc tl dagnî. I podun vire tl tēmp da sēgn y Chël Bel Dî rovenará nosta storia a na buna fin. <i>(dal Sonntagsblatt)</i>
15.12.19  3^a DOMÈNIA D'ADVÈNT-A <i>Gaudete!</i>	9.30 Gran Mëssa dla Comunité Rorate por families de Martin Verginer Rorate fam. Rubatscher, Restalt, de rengraz. ++ Pescosta, da Ju	7.55 Corona 8.15 Gran Mëssa dla Comunité Rorate por la Uniun di Èi Rorate por vëdui y vëdues y porsones sores dedô: invit al referat cun siur Sepl Granruaz	
16.12.19 Lönesc Adele, Albina			
17.12.19 Dedolönesc/Mertesc Lazar, Iolanda	19.30 Rorate ++ Bino Pedevilla en onü dl Spirit Sant dl ann ++ Loise y Sciandro Dasser 20.00 Reuniun di geniturs di neocomunicanc		
18.12.19 Dedemesaledema/Mercui Filip, Grazian		7.30 Rorate por les families da Somví por la familia de Monica Costa ++ Vittoria y Guido Clara dl ann ++ Maddalena Clara 19.30 Funziun penitenziala - Confesciuns	
19.12.19 Jöbia Susana, Beniamin	7.30 Rorate y Corona por vocaziuns ++ Costabiei + Sepl Trebo, Tor ++ Pire y Maria Unterweger 19.30 Funziun penitenziala - Confesciuns		
20.12.19 Vëndres Heinrich, Regina	13.00 Liturgia dla Parora cun scholars dla Scora Mesana 18.00 Conzert d'Advënt dla Scora de Musiga	19.30 Rorate Rorate por la Uniun di Jogn y dles Jones por les families de Agostino Clara ++ Teresa y Pasquale Wieser ++ Pire, Gabriel y Linda Clara, Mair	
21.12.19 Sabeda Pire, Richard	15.30 Mëssa tla Ciasa de Palsa 18.30 Mëssa prefestia/Rorate Rorate dla Uniun Guant da zacan Rorate por vis y def. dles families Albina Moling y Paula Zingerle dl ann ++ Lena Clara Dapoz	20.00 Mëssa prefestia/Rorate Rorate por la Uniun dl Cor de dljia por fam. Riccardo y Clara Moling de reng. r. por fam. Martin Clara + Cecilia Daporta vëd. Pezzei + Emma Pezzei da Mischi	
22.12.19  4^a DOMÈNIA D'ADVÈNT-A	9.00 Corona por la def.ta Ida Deiaco 9.30 Gran Mëssa dla Comunité Rorate dl Consëi de cöra y colauradus en onü dl Spirit Sant	7.55 Corona 8.15 Gran Mëssa dla Comunité ++ siur Stachio y suor Lucia Clara	